

天下郡國利病書

二十

天下郡國輿地全書

卷十

鹽河圖

遼西界

遼東界

登萊
州府

萊陽
行村場

福山
登萊場

徐福島

山海關

龜島

萊州府
掖縣

掖縣
海濱場

掖縣
西田場

麻灣

小勞

大勞

田橫島

過沙

原編第五十冊



海豐縣

化利國場

化豐民場

化富國場

化永利場

滄州

濱州

津利永阜場

津利寧海場

安王家商場

樂新鎮場

濱樂蒲蒲
分臺臺
司縣所

官臺國堤信陽行村石河西因海
滄登寧濤洛新鎮高家港十一
場折色鹽每引折銀柒分伍釐
灶丁苦折太重累凶今議丁銀陸

樂安舊有支河
由海濱接黃河
南通邳宿西達
開歸自樂安批
驗所革而支河
盡湮矣
永利利國富國豐國
豐民永阜寧海王家岡
場徵本色支商永利等
七場距河稍近鹽輒於地
其形類今謂之鹽鹽是也
鹽產頗充而豐國永阜
寧海為尤盛商人買補
多趨之有自產夫役晒運

原編第五十冊


千叁百貳拾兩改復本色正支捌萬肆千叁百壹拾玖引顧河路未復商不便支照附省灶例支銀伍分肆釐赴豐園等場買補尚灶兩便拾壹場歲減徵銀壹千柒百兩零伍歲商正支拾之伍今得拾玖馬

洛口下流經齊東蒲臺利津霑化等處入鹽場入海今尚通行齊東頗淺




者私販之徒亦多出沒其地獨王家岡離河甚遠且鹽熬於盤其形散今謂之未望是也商人憚遠亦不樂支洛口下流東一支名灤水即洛水發源趵突泉流大明湖為小清河經章不注山會龍山河經章丘會清塔沙三河經鄒平長山新城會孝婦河又東經高苑博興樂安會烏河北由馬車漬入海此國初小清河故道也永樂以後百湮塞不通一治于成化癸巳卅再治于嘉靖癸巳屢治屢湮一

洛口上流原不流河開
水故道上接東阿縣
東流等泉久已涸涸
近議濬五泉建五閘
以通上流



原編第五十冊



沙河關

平陰關

平陽泉

魚山鎮

鹽船到此雇車
至阿城三十里

阿城鎮

商鹽到此止
船入運河

臨清州

張

秋

東平州

石堤三里

龍河口

徐州

白河

山東鹽法志

本司所轄一十九場、惟八場徵鹽、永利、利國、豐民、豐國、四場距海稍近、鹽曬於地、其形顆、今謂之鹽鹽是也、永阜、新鎮、王家岡、寧海、四場距海不啻六七十里、而遠、鹽熬於盤、其形散、今謂之末鹽是也、然煎之之法、率以天特為本、而成之以人力、每歲春夏間、天氣清明、取池酒注盤中、煎之、盤四角撐為一、織葦攤盤上、週塗以層泥、自子至亥、謂之一伏火、凡六乾燒、鹽六盤、盤百斤、凡六百斤為大引鹽一餘二百斤、詰旦仍出坑灰、攤曬亭場間、至申、俟鹽花浸入灰內、仍實灰於坑、以取酒、其試酒必以石蓮投之、酒中沉而下者為澹酒、浮而橫側者為半澹酒、煎之費道薪、必浮而立於酒面者、乃合入盤煎之、頃刻而就、將乾投以皂角數片、鹽始凝結、至於積灰、則又以年久為良、酒水漬潤、出鹽尤多、然久旱則潮氣下降、土燥而鹽不生花、久雨則客水浸溢、亭場沾濕、曬麥致銷蝕、故以灰取酒、必兩場時若、而後鹽始豐、若夫曬鹽之法、其取酒、則又有灰淋、土淋之

殊土淋之法以春鉤起鹹鹹潮灘土曬乾實土池中注水取滴如灰淋法每竈各砌磚石爲大曬池旭日晴霽挽坑井所積海水滲入池中曝之自辰逮申不煩鑄幣之力即可掃鹽以輸官少陰晦則絕無鹽故海墘之場多曬鹽而場去斥鹵遠者多火鹽鹽品以散爲上而鹽次之

大募商鬻鹽肇自宋雍熙間其法以商輸芻粟塞下而官給之鹽夫亦漢量錯遺策也識者韙之 皇明洪武初循用其策以東離專供鹽代芻粟累朝邊計賴焉成化間稍更往故八金離司自是飛輓不繼於邊塞其策與彼孰多此未易議也蓋不獨東離已矣東離商課較他方甚微賦其開中鹽引僅一十二萬餘耳頗有內商有邊商邊商則報中鹽引於邊代輸芻粟與金各半之以金計每引僅值金一錢又半之內商則轉購鹽引於邊商藉以鬻餘鹽牟利而離司徵其金歲額以兩計凡五萬輸而之計部計部復輸而之邊鎮猶存 國初實邊遺意焉司計者所宜殫心也

運使甘一驥開鹽河議 查得洛口下流見今上接新治大清河通行濱州需
化利津入海以收寧海等捌鹽場之利為山東梁宋之用並無湮塞無容再議
其所稱鹽河故道久湮難尋則小清河南一支經流青州等府樂安等縣海濱
等拾壹場入海者也 國初山東鹽河有東北二大支其北一支屬洛口蒲臺
二批驗所為大清河洛口上流自東平坎河口東阿平陰長清齊河而東入洛
口下流經齊東蒲臺臺需化利津入海以通寧海永阜豐國永利利國富國豐
民王家岡等場運鹽出捌場過蒲臺洛口二關而達運河此鹽河北一支屬洛
口蒲臺二所而通寧海等捌場之鹽科者也其東一支屬樂安批驗所為小清
河出釣突泉流大明湖經葦不注山流龍山經章丘流清塔沙三河經鄒平長
山新城流孝婦河又東經高苑博興流烏河其名烏河者一名乾時左傳公與
齊侯戰於乾時是也一名時水杜預注時水在樂安縣界臨淄二十五里是也
源出益都矮槐樹北又有系河者在長山縣北二十里源出苑城店經新城界

流烏河而入小清河、其名孝婦河者、源出益都西顏神鎮三里、經淄川長山、新城北抵高苑、博興、樂安、東北達高家港、又有汨河者在長山縣南二里、源出米山、自城南流孝婦河而入小清河、又有乾溝河者在長山縣西南三十里、源出長白山、流孝婦河而入小清河、其名清沙河者、清河一名繡河、在章丘縣東一里、源出會仙山下、合百脉泉東西二麻灣、泉西北匯為白雲湖、而入小清河、沙河在鄒平縣西三百步、源出大峪山西北、而入小清河、諸水皆由馬車溝、交脉河、澄海口北入海、自小清而南上流則為淄、臨縣之淄河、澠水、康浪水、澮水、為益都縣之巨洋水、為臨朐縣之培水、石溝水、為沂州之東沭河、西沭河、湯河、為鄒城縣之大方湖、沂河、經州鄒宿而達黃河、自小清而東下流、則為壽光縣之洹河、龍泉水、王欽水、為日照縣之付嶺河、竹子河、大兒莊河、在萊州府、則為濰縣之濰河、淮河、白銀河、寒泥河、為昌邑縣之浮康河、七溝河、為膠州之膠萊河、洋河、為高密縣之張魯河、五龍河、白水河、為平度州之雲河、現河、藕村河、

墨水漱王泉乳泉爲卽墨縣之土液泉龍泉爲掖縣之南陽河掖河白沙河萬
戴河梁村河上官河在登州府則爲招遠縣之萬盛河五濶河爲萊陽之五龍
河、陶張河平南河爲福山縣之清洋河義井河而登萊等府壽光日照等縣各
有支河入海此鹽河南一支屬樂安批驗所而通海滄高家港等拾壹場之鹽
科者也成化以後海滄等拾壹場支河乾涸商旅不行邳州改行淮鹽開歸改
行河東樂安批驗所裁革而鹽河南一支故道遂就湮沒無復可尋矣拾壹
場竈丁改徵折銀每引柒分伍釐共徵陸十餘兩舍其所產徵其所乏而竈丁
漸累漸逃愈逃愈累無復更生之望矣近乘開歸分認地方之會議豁折銀復
本色仍照附省竈丁例伍分肆釐夫商歲減徵銀壹千柒百兩而拾壹場分竈
庶幾以蘇顧拾壹場水利湮廢竈鹽不售所謂洵濕濡沫烏在其能蘇竈也鹽
河僅存者此一夫大清河耳洛口爲入清下流齊東縣間有淺處尚無湮塞蒲
臺而下通行濱州利津寔化入海入清上流自坎河口築而鹽舟不達於墨河

至魚山車運三十里上船而商人始告病矣運河之水涓滴不入鹽河加以連年旱乾商人舍舟從陸而大清又幾廢矣幸蒙廟堂採議濬五泉建五閘以復大清之舊以通寧海等捌鹽場之利不獨山東舊額伍萬兩賴之即梁宋新額壹萬陸千兩亦取辦於此矣但往以拾玖場而應全齊梁宋今以捌場而應全齊梁宋源少流闊恐不可繼明問欲舉鹽河故道而盡復之誠盛心也且樂安北負海日照南負海登萊東負海古所謂天府之國齊得十二焉而不得收負海之利豈非有異地無異人乎凡有憂國憂民之心者不能不拜明問而扼腕也竊念天下之事當與天下之共爲之百世之利當爲百世之規共興之功不必自執出我聞其端而俾後人底其績可也效不必且外計今創其責而俾後數世十年竟其功亦可也蓋民可與樂成難與慮始驟語之以興水利必忽焉而不信今且倣之以除水害驟語之以開河通舟楫必駭焉而懼擾令且引之以通溝渠庶幾具有濟乎夫一市之中必有一市之溝不然市過濫必害

於一市矣、一村之內、必有一村之溝、不然、村遇霖雨、必害於一村矣、況大而一邑、又大而一郡、不通溝洫、不洩下流、豈不害於一邑一郡哉、宜下令各邑、畫圖貼說、某村之溝、以某村爲下流、各郡畫圖貼說、某邑之溝、以某邑爲下流、邑各率其境內、合一市之力、通一市之溝、合一村之力、通一村之溝、合一邑之力、通一邑之溝、邑之下流有壅者、郡助之費以通之、而一邑之水害弭矣、一邑之故道出矣、郡之下流有壅者、藩司助之費以通之、而一郡之水害弭矣、一郡之故道出矣、語云、禹以四海爲壑、又云、禹盡力於溝洫、善治水者、未有不通下流、亦未有不自溝洫始也、古今異宜、陵谷變遷、凡可通處、即爲改道、誌書所載諸水、不必泥也、凡可入海處、即爲壑、禹之九河、不必追也、時詘舉羸、大衆未易輕動、苟有溝渠以洩下流、即可與民安堵、不必遠望通鹽河、興舟楫之利也、溝渠既通、下流既洩、水害既除、改道既出、藩司又繪一圖、省水利總圖、某郡之水、由某邑歸於運河、某郡之水、由某邑歸於黃河、某郡之水、由某邑歸於海、某處下流